



678

Broj: 27-05-19425/18
Sarajevo, 04.05.2018 godine

SKUPŠTINA KANTONA SARAJEVO
n/r Prof. Babić Ane, Predsjedateljice

08-05-2018

- ovdje -

Zastupnica Segmedina Srna Bajramović, na 40. Radnoj sjednici Skupštine Kantona Sarajevo, koja je održana dana 04.04.2018.godine, a u okviru tačke Dnevnog reda "Poslanička pitanja, inicijative i odgovori", a u skladu sa Poslovníkom Skupštine Kantona Sarajevo postavila je zastupničko pitanje koje glasi:

Tražim od svih ustanova i preduzeća kojim je osnivač Kanton da se dostavi informacija koliko je puta u zadnje tri godine vršena izmjena sistematizacija radnih mjesta, te šta je ista suštinski predviđala kada je u pitanju kadrovska politika svake od institucija? Koliko je uposlenika po novousvojenim sistematizacijama dodatno uposleno, napredovalo ili degradiralo u smislu radnog mjesta?

Shodno odredbama člana 34. stav 4. Poslovníka o radu Vlade Kantona Sarajevo ("Službene novine Kantona Sarajevo", broj: 4/16 i 36/16), i u skladu sa stavom Vlade Kantona Sarajevo da pripremu na odgovore na poslaničko/zastupničko pitanje ili inicijativu daje resorno ministarstvo i da je isti potrebno dostaviti u Službu za skupštinske poslove, kao i jedan primjerak u Stručnu službu Vlade Kantona Sarajevo, Ministarstvo komunalne privrede i infrastrukture Kantona Sarajevo daje

- o d g o v o r -

U skladu sa odredbama Poslovníka Skupštine Kantona Sarajevo ("Službene novine Kantona Sarajevo", broj:41/12 – Drugi novi prečišćeni tekst, broj 15/13, 47/13, i 48/16) ovaj odgovor dostavljamo u pisanom obliku Predsjedateljici Skupštine Kantona Sarajevo kako bi isti bio dostavljen zastupnici, kao i ostalim zastupnicima u Skupštini Kantona Sarajevo.

Ministarstvo komunalne privrede i infrastrukture Kantona Sarajevo odmah nakon dostavljanja zastupničkog pitanja dana 17.04.2018 godine, u skladu sa svojim nadležnostima isto je prosljedilo svim KJKP na izjašnjenje kojim se traži odgovor.



U skladu sa navedenim, Uprave kantonalnih javnih komunalnih preduzeća su dostavile traženi odgovor po zastupničkom pitanju, a koje u cjelosti svog sadržaja prenosimo u izvornom obliku, za svako preduzeće posebno :

1. KJKP "Tržnice – Pijace" d.o.o. Sarajevo, broj: 1440-1/18 od 25.04.2018. godine

U vezi sa postavljenim zastupničkim pitanjem zastupnice Segmedine Srne, kojim se traži informacija o izmjenama sistematizacije radnih mjesta u zadnje tri godine, te broju dodatno zaposlenih radnika po novousvojenim sistematizacijama, napredovanju ili degradiranju u smislu radnog mjesta, za ovo Preduzeće dajemo sljedeće podatke:

1. U zadnjih tri godine je izvršena jedna izmjena sistematizacije radnih mjesta koja je uslijedila 2016.godine, donošenjem novog Pravilnika o radu, usklađenog sa Zakonom o radu („Službene novine Federacije BiH“, broj 26/16),
2. Broj zaposlenih u Preduzeću na današnji dan, u odnosu na 2016. i 2017.godinu je umanjen odlaskom radnika u penziju, a nedostajući broj radnika potrebnih za nesmetano funkcionisanje Preduzeća popunjavamo na sljedeći način:
 - zasnivanjem radnog odnosa na određeno vrijeme sa 7(sedam) radnika, a na osnovu predhodno pribavljene saglasnosti resornog Ministarstva;
 - angažovanjem pripravnika po osnovu ugovora o sufinansiranju zapošljavanja pripravnika zaključenim sa JU „Služba za zapošljavanje Kantona Sarajevo“;
 - angažovanjem radnika po programu „Periodično zapošljavanje“ na osnovu ugovora zaključenog sa Federalnim zavodom za zapošljavanje;
 - angažovanjem radnika po programu „Prilika za sve“ na osnovu ugovora zaključenog sa JU „Služba za zapošljavanje Kantona Sarajevo“;
 - angažovanjem radnika po programu sufinansiranja zapošljavanja osoba sa invaliditetom, po ugovoru zaključenim sa JU „Služba za zapošljavanje Kantona Sarajevo“;
3. Delegatsko pitanje koje se odnosi na podatke o unapređenju ili degradiranju radnika u traženom periodu:

Unaprijeđeni

- Ukupno 4(četiri) radnika Preduzeća je unaprijeđeno, od čega su 3(tri) radnika su unaprijeđena rasporedom za obavljanje rukovodnih poslova. U ovom slučaju se radi isključivo na popuni upražnjenih radnih mjesta nastalih smrću dva radnika i raskidom ugovora o radu sa jednim radnikom.
- Donošenjem Pravilnika o organizaciji i sistematizaciji poslova, uvedena je nova služba gdje je jedan radnik Preduzeća unaprijeđen na poslove rukovodioca te službe.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1



Degradirani

Donošenjem Pravilnika o organizaciji i sistematizaciji poslova, kao i zbog potrebe rada i funkcionisanja Preduzeća, 3(tri) radnika su raspoređena na niže složene poslove u odnosu poslove koje su ranije obavljali.

2. KJKP "Pokop" d.o.o. Sarajevo, broj: 01-49-1485-2/18 od 25.04.2018. godine

Dana 20.04.2018.godine, primili smo Vaš dopis, broj i datum gornji, sa zastupničkim pitanjem Srna Segmedine, zastupnice u Skupštini Kantona Sarajevo, u kojem tražite da Vam se u što kraćem roku, dostavi informacija izvršenim sistematizacijama u prethodne tri godine.

U skladu sa postavljenim pitanjem informišemo Vas da je u KJKP "POKOP" d.o.o. Sarajevo, zadnja sistematizacija radnih mjesta izvršena je 01.04.2015. godine. Navedenom sistematizacijom radnih mjesta izvršena je organizacija Preduzeća, u skladu sa realnim potrebama preduzeća.

Ističemo da je smanjen broj zaposlenih u preduzeću u posljednje tri godine.

3. KJKP "Sarajevogas" d.o.o. Sarajevo, broj: 0101-08-1117/18 od 03.05.2018. godine

Na zahtjev zastupnice u Skupštini Kantona Sarajevo g-đe Segmedine Srne Bajramović, informišemo Vas da je u zadnje tri godine KJKP "Sarajevogas" d.o.o. Sarajevo izvršio jednu izmjenu svoje organizacione strukture i sistematizacije radnih mjesta.

Izmjena nove organizacije i sistematizacije je urađena 2017.godine u okviru izrade novog Pravilnika o radu koji je bilo potrebno uskladiti sa izmjenom radno-pravnog zakonodavstva.

Donošenjem novog Pravilnika o radu utvrđene su izmjene organizacije i sistematizacije koje su sastavni dio Pravilnika o radu, a kojim se smanjio broj predviđenih izvršilaca i poboljšao opis poslova radnih mjesta.

Pomenutim izmjenama unutrašnje organizacije i sistematizacije, smanjen je broj postojećih sektora sa pet na četiri, kao i broj izvršnih direktora sa pet na četiri, a smanjen je i pravilnikom predviđeni broj izvršilaca sa 380 na 376.

Nakon izmjene organizacione strukture od januara 2017.godine pa do danas unaprijedeno je 15 radnika, a nijedan radnik nije degradiran u smislu radnog mjesta.

U periodu zadnje tri godine, broj radnika u ovom Preduzeću je smanjen za 10 radnika (period od 31.12.2014.godine do danas).

4. KJKP "Vodovod i kanalizacija" d.o.o. Sarajevo, broj: 231/18 od 25.04.2018. godine

Vezano za poslaničko pitanje zastupnice Segmedine Srna Bajramović, koje se odnosi na sistematizaciju radnih mjesta u ustanovama i preduzećima čiji je osnivač Kanton Sarajevo, dostavljamo Vam sljedeći odgovor :



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086, Fax:+ 387 (0) 33 562-177
Sarajevo, Reisa Džemaludina Čauševića 1



I- Nadzorni odbor KJKP "Vodovod i kanalizacija" d.o.o. Sarajevo je na 17. sjednici, održanoj 26.05.2017. godine, donio Pravilnik o radu, koji je stupio na snagu 15.06.2017. godine, a čiji je sastavni dio sistematizacija radnih mjesta. Razlog donošenja nove sistematizacije je usklađivanje ovog akta sa novodonesenim Zakonom o radu. Na ovaj način se osiguralo da se organizuje rad preduzeća i sistematizuje radna mjesta u skladu sa raspoloživim kadrovima, a sve u cilju nesmetanog odvijanja radnih procesa.

II- Vlada Kantona Sarajevo na 90. sjednici, posvećenoj problemu vodosnabdijevanja, donijela devet mjera koje je neophodno poduzeti u cilju unapređenja vodosnabdijevanja, a u okviru četvrte mjere, Vlada je naložila prilagođavanje Pravilnika o sistematizaciji radnih mjesta u ovom preduzeću stvarnim potrebama i novonastaloj situaciji vezanoj za vodosnabdijevanje.

U skladu sa naprijed navedenim, a na osnovu prijedloga Uprave preduzeća Nadzorni odbor preduzeća je na 7. sjednici, održanoj dana 13.11.2017. godine, donio izmjene i dopune Pravilnika o radu. Izvršene izmjene i dopune unutrašnje organizacije i sistematizacije radnih mjesta, se uglavnom odnose na tehnički aspekt rada preduzeća, koji je direktno vezan za obavljanje osnovne djelatnosti preduzeća.

Ovakve izmjene unutrašnje organizacije i sistematizacije radnih mjesta imale su za cilj efikasnije organizovanje poslova koji su vezani za vodosnabdijevanje, sa krajnjim ciljem poboljšanja trenutnog stanja, a što je i naloženo od strane Vlade Kantona Sarajevo.

III- Za realizaciju Projekta detekcije curenja i smanjenja neoprodovane vode Kantona Sarajevo (NRW projekat), od strane Konsultanta za provođenje NRW projekta, koji je imenovan od strane Vlade Kantona Sarajevo, predviđeno je da je za realizaciju projekta potrebno još 111 izvršilaca različitih stručno-tehničkih profila, na način da se u postojećoj sistematizaciji poveća određeni broj izvršilaca na poslovima vezanim za ovaj projekat, a da radnici budu primljeni na period do 12 mjeseci, koliko traje realizacija NRW projekta.

Nadzorni odbor preduzeća je na 2. sjednici, održanoj dana 09.02.2018. godine, donio ove izmjene i dopune Pravilnika o radu /Izmjene i dopune unutrašnje organizacije i sistematizacije radnih mjesta./

5. KJKP "PARK " d.o.o. Sarajevo, broj: P-903-1 od 27.04.2018. godine

U skladu sa vašim dopisom broj gornji od 17.04.2018 godine koji smo zaprimili dana 23.04.2018 godine dostavljamo vam odgovor na poslaničko pitanje postavljeno od strane zastupnice Segmedine Srne Bajramović na 40. Radnoj sjednici Skupštine Kantona Sarajevo održane dana 04.04.2018 godine.

Pravilnik o rada KJKP „Park „ d.o.o. donesen je na sedmoj sjednici Nadzornog odbora održanog dana 22.12.2016 godine. Navedeni Pravilnik je donesen u skladu sa novim Zakonom o radu koji je predviđao obavezu poslodavaca da usklade odredbe Pravilnika o radu u roku od šest mjeseci od dan stupnja na anagu Zakona o radu koji je stupio na snagu dana 14.06.2016 godine. U skladu sa navedenim donesen je novi Pravilnik kojim je utvrđena i organizacija i sistematizacija radnih mjesta i svim radnicima su ponuđeni novi ugovori o radu u skladu sa članom 178 Zakona o radu koji je predviđao obavezu poslodavaca da u roku od tri mjeseca ponudi radniku zaključenje ugovora o radu ukoliko isti nije u skladu sa odredbama ovog Zakona a za poslodavce iz člana 177 ovog zakona rok za usklađivanje je bio tri mjeseca od dana usklađivanja Pravilnika o radu. Članom 178



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1



stav 3 Zakon o radu je predviđeno da ugovor iz stava 1 ovog član ne može biti nepovoljniji u pogledu uvjeta pod kojim je zasnovan radni odnos odnosno pod kojim su bili uređeni radni odnosi radnika i poslodavaca do dana zaključivanja ugovora o radu iz stava 1 ovog člana ako odredbama ovog zakona ta pitanja nisu drugačije uređena.

Svim radnicima su dakle pruženi novi ugovori o radu koji nisu bili nepovoljniji od ranijeg ugovora o radu dakle radnici su zadržali postojeća radna mjesta. U nekoliko slučajeva je bilo promjena koje su se odnosile na popunu slobodnih radnih mjesta nastalih zbog odlaska radnika u mirovinu i organizacionih promjena s tim da ugovori nisu bili nepovoljniji od postojećih ugovora o radu, dakle radnici nisu bili degradirani u pogledu radnog mjesta koje im je bilo ponuđeno. Nova zapošljavanja nisu vršena, s tim da smo primali sezonske radnike zbog povećanog obima posla tokom sezone proljeće- jesen. Postojeći Pravilnik je mijenjan nekoliko puta ali se ne radi o velikim izmjenama uglavnom je povećan broj izvršilaca na pojedinim radnim mjestima u skladu sa potrebama procesa rada i uvedena se neka nova radna mjesta ali se ne radi o rukovodećim radnim mjestima i popuna ovih radnih mjesta vršena je od postojećih radnika, dakle nije bilo novih zapošljavanja.

6. KJKP "RAD" d.o.o. Sarajevo, broj: 05-02-17-6957/18 od 03.05.2018. godine

KJKP "RAD" d.o.o. Sarajevo je dana 20.04.2018 godine zaprimilo dopis Ministarstva komunalne privrede i infrastrukture, broj : 27-05-19425/18 od 17.04.2018 godine, a koji se odnosi na zastupničko pitanje zastupnice Segmedine Srna Bajramović.

Povodom navedenog dopisa obavještavamo Vas da je dana 30.04.2014.godine u KJKP "Rad" d.o.o. Sarajevo usvojen Pravilnik o unutrašnjoj organizaciji i sistematizaciji radnih mjesta broj: 02NO-5337/14-1 i da u narednom periodu nisu vršene izmjene i dopune navedenog Pravilnika.

7. KJKP "Toplane Sarajevo" d.o.o. Sarajevo, broj: 03-02-01-1678/18 od 25.04.2018. godine

Na Vaše traženje, a u skladu sa postavljenim zastupničkim pitanjem zastupnice Segmedine Srne Bajramović, koje se odnosi na izmjene sistematizacije radnih mjesta, dajemo lijedeće izjašnjenje:

U KJKP "Toplane Sarajevo" d.o.o. radna mjesta su sistematizovana kroz organizaciona upustva službi (u daljem tekstu: OU).

Izmjene OU u zadnje tri godine, vršene su uglavnom radi: detaljnijeg opisa radnih mjesta, odgovornosti i ovlaštenja i usklađivanja sa novim Zakonom o radu I Pravilnikom o radu.

Suštinske izmjene u smislu povećanja ili smanjenja broja izvršilaca/radnih mjesta izvršene su:

- Službi prodaje i komunikacije sa korisnicima – zbog otvaranja zajedničkog centra za komunalne usluge i unaprijeđenja procesa naplate potraživanja (povećan broj izvršilaca za dva)
- Službi nabavke – zbog obima poslova u procesu nabavki (povećan broj za jednog izvršioca),
- Službi proizvodnje i distribucije – zbog unaprijeđenja sistema daljinskog upravljanja (nakon penzionisanja radnika smanjen broj za tri izvršioca)




web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1



U trogodišnjem periodu nije bilo degradacije u smislu radnog mjesta, niti je bilo kom radniku vršeno smanjenje plaće.

Vežano za napredovanje, imali smo slučajeve kad smo internom preraspodjelom, u slučaju penzionisanja, radnike raspoređivali na radna mjesta koja su viša po rangu u odnosu na ranije radno mjesto radnika (npr. podstaničar u , samostalni rukovalac, monter II u monter I i sl.).

S poštovanjem.



Dostaviti:

- ① Naslovu
2. Stručna Služba Vlade Kantona Sarajevo
3. Evidencija
4. A/a



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1

